



31. august 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Neqi A/S aamma naatsiaanik naatitsisarneq pillugit:

1. Ilumoorpa pisortanit pigineqartoq Neqi A/S Tuttuuni naatsiaanik naatitsisimammat taamaasillunilu naatsiianik naatitsisartumut namminersortumut pisortatigoortumik unammillilerluni? Tunngavissalimmillu unammillerpa? Aamma eqqorpa Neqi A/S-p naatsiianik naatitsisartut namminersortunut nalunaarsimammat, nammineq naatitani pisiareqqaarlugit allat naatsiaanik naatitsisartut namminersortut naatitaannik immaqqa pisisinnaajumaarluni?

2. Ilumoorpa Nunalerinermut Naalakkersuisup uia Neqi A/S sinnerlugu naatsiianik naatitsisimammat? Taamaassimappat paaserusuppara tassunga atatillugu isumaqatigiissusiarineqarsimasup imai aamma peqataanik kissaatigaara Nunalerinermut Naalakkersuisup pisoq soqutigisanut assortuuttoq Naalakkersuisut Siulittaasuannut apuussimaneraa, Nunalerinermut Naalakkersuisutut toqqarneqannginnermini?

3. Pisortat pigisaat Neqi A/S naatsiianik naatitsisartunit namminersortunit naatsiarsiumasimannnginnera Naalakkersuisut qanoq isumaqarfigaat?

4. Pisortat pigisaata Neqi A/S-p naatsiianik naatitsisartunut namminersortunut unammillerpasinnera Naalakkersuisut qanoq isumaqarfigaat aamma Naalakkersuisut isumaqarpat unammillerneq assigiimmik tunngaveqarluni ingerlanneqartoq?

5. Suliamut tunngatillugu Naalakkersuisut allanik paasissutissanik peqarpat?
(Inatsisartunut ilaasortaq Nivi Olsen, Demokraatit)

Tunngavilersuut

Aviisimi Sermitsiami nr. 34/2017-mi atuarneqarsinnavoq: "Naatsiianik naatitsisartoq: Neqi A/S-p namminersortut unammillerpai".

Allaaserisami ilaatigut atuarneqarsinnaavoq Neqi A/S naatsiianik naatitsisartut namminersortut toqqaannartumik unammillersimagai. Aamma atuarneqarsinnaavoq tamanna pissutigalugu Neqi A/S-p kissaatiginngikkaa naatsiianik namminersortut naatitsisartunit naatsiarsinissani. Kiisalu aamma atuarneqarsinnaavoq Neqi A/S-p naatsiaanik naatitsineranik Nunalerinermut Naalakkersuisup uia isumaginnittussanngortitaasimasoq.



DEMOKRAATIT
DEMOKRATERNE

Nunalerinermut Naalakkersuisoq tallimangormat ulloq 25/8 allaaserisamut naqqiissuteqarpoq. Naqqiissummi Naalakkersuisut naqissuserpaat, Nunalerinermut Naalakkersuisoq Nunalerineq pillugu Isumasioqatigiinnit attavigineqarnikuusimangitsoq naak tamanna allaaserisami oqaatigineqaraluartoq. Allaaserisami oqaatigineqartut allat naqqiissuteqarfigineqanngillat taamaattumik eqqoriaaqattaartoqartariaqassaaq. Tamanna tunngavigalugu qulaniittut apeqputima akineqarnissaat kissaatigaara.

Apeqputit akeqquakka ullut suliffiit nalinnaasut qulit iluanni.